



Kenyataan Akhbar

Press Release

MGTC MELANCARKAN LOGO KORPORAT BAHARU SELARAS DENGAN MANDAT MEMPERKASA AGENDA HIJAU DAN MITIGASI PERUBAHAN IKLIM NEGARA

22 July 2021, Khamis

BANGI – Malaysian Green Technology and Climate Change Centre telah melancarkan logo korporat baharu pada Majlis Pembukaan Virtual Persidangan dan Pameran Teknologi Hijau dan Produk Eko Antarabangsa Malaysia (IGEM) 2021 hari ini yang disempurnakan oleh Yang Amat Berhormat Tan Sri Dato' Haji Muhyiddin Haji Mohd Yassin, Perdana Menteri Malaysia.

Sejak ditubuhkan pada 7 April 2010, MGTC terus memainkan peranan penting dalam menyokong dan memacu agenda hijau negara, serta memberi penekanan kepada 5 teras strategi dengan Memperkukuhkan kerangka institusi di mana peranan MGTC adalah untuk memudahkan pengenalan dasar baharu, Menyediakan persekitaran yang kondusif untuk pembangunan teknologi hijau, Mempergiatkan pembangunan modal insan dalam teknologi hijau, Mempergiatkan penyelidikan teknologi hijau, inovasi pembangunan dan pengkomersialan, dan Mempromosikan dan meningkatkan kesedaran masyarakat terhadap Agenda Hijau.

Sedang dunia dilanda pandemik Covid-19 dan Malaysia tidak terkecuali, MGTC telah berjaya memberikan nilai dalam membantu infrastruktur agenda hijau negara dengan beralih fokus kepada pemulihan hijau. Inisiatif – inisiatif ini termasuk program kemasyarakatan seperti Rumah Ibadat Hijau dan fasilitasi perniagaan antarabangsa di Expo 2020 Dubai dengan mengadakan dialog perubahan iklim antara kerajaan dan NGO sehingga kepada pembangunan Pelan Mobiliti Rendah Karbon.

Reka bentuk spiral logo korporat baharu dan akronim MGTC di gunakan bagi menggambarkan peranannya sebagai teras utama dalam teknologi hijau dan tindakan iklim di Malaysia. Terdapat tujuh garisan yang melambangkan perubahan yang ingin dicapai oleh MGTC kepada pemegang taruhnya - KASA, kementerian, negeri & PBTS, Industri, Akademik & NGO, masyarakat & rakyat dan di luar Malaysia.

Logo korporat baharu MGTC terdiri daripada tiga warna hijau, biru dan biru tua yang mencerminkan tanggungjawabnya dalam menerajui pertumbuhan hijau ke arah mewujudkan ekonomi hijau yang rancak, mempercepat tindakan iklim dalam menuju kearah masa depan rendah karbon dan memperjuangkan inovasi ke arah mewujudkan sempadan baharu.

Melalui logo korporat baharu ini MGTC yang merupakan agensi dibawah kawal selia KASA diberikan mandat baharu dalam mencapai cita-cita negara untuk mengurangkan pelepasan karbon dengan Mempercepatkan Pertumbuhan Hijau, Memajukan Tindakan Perubahan iklim, dan Mengarus Perdana Agenda Hijau terhadap seluruh aspek kehidupan dan masyarakat.

Pelancaran logo ini juga merupakan strategi untuk memperkukuh imej MGTC dan memberikan gambaran yang lebih jelas mengenai mandatnya kepada masyarakat serta pemegang taruh terhadap peranan dan tanggungjawabnya. Penjenamaan semula ini membabitkan pengenalan logo dan warna baharu yang lebih moden serta segar yang melambangkan komitmen MGTC melalui usaha memperkasakan agenda hijau dan mitigasi perubahan iklim negara.

-TAMAT-

Mengenai MGTC

Malaysian Green Technology and Climate Change Centre (MGTC) adalah agensi Kementerian Alam Sekitar dan Air (KASA) yang diberi mandat bagi memacu negara di dalam skop Pertumbuhan Hijau, Mitigasi Perubahan Iklim dan Membudaya Gaya Hidup Hijau.

Peranan utama MGTC sebagai pemangkin pertumbuhan ekonomi hijau adalah berpandukan Dasar Teknologi Hijau Negara (NGTP), Dasar Perubahan Iklim Negara (NCCP) dan Pelan Induk Teknologi Hijau (GTMP).

MGTC melaksanakan inisiatif dan program yang memberikan perincian khusus dalam mencapai impak jangka panjang kepada Nationally Determined Contribution (NDC) untuk mengurangkan intensiti pelepasan gas rumah kaca sebanyak 45% berdasarkan Keluaran Dalam Negara Kasar (KDNK) berbanding intensiti pelepasan pada tahun 2005 menjelang 2030, meningkatkan kadar KDNK daripada teknologi hijau sebanyak RM100 Billion dan penjanaaan sebanyak 230,000 peluang pekerjaan hijau.

Perhubungan Media

Intan Syazwani Isa
Ketua Komunikasi Korporat
MGTC
012-7023110
comms@mgtc.gov.my

